

كلمة الرئيس محمد أنور السادات

لطلبة جامعة القناة

فى ٢١ فبراير ١٩٧٩

سمعتم يا أولادى أنتم وبناتى .. سمعتم لقائى بقواتكم المسلحة .. استمعتم الى معركة واحدة مما حدث فى حرب أكتوبر المجيدة سمعتم يا أولادى أنتم وبناتى من هى مصر ومن هو المقاتل المصرى وما هو أداء مصر الآن .. مصر أكتوبر .. أطالبكم الآن يا ولادى أنتم وبناتى أن آدائكم فى عملكم هو هذا الاداء اللى سمعتوه النهاردة .. آدى اخوانكم فى القوات المسلحة وجاهزين زى ما سمعتوهم يبذلوا أرواحهم ويبأدوا أكثر من أجل مصر .. آداؤكم يا أولادى أنتم وبناتى يكون أيضا على نفس هذا المستوى من أجل مصر

القائد اللى سمعتوه بيتكلم النهاردة من قادة حرب أكتوبر عاوز يقدم الناس اللى سمعتم عنهم فى المعركة المجيدة اللى ليست الا معركة واحدة من معارك خمس فرق بخمس رعوس كبارى من جيشين اثنين لو كان كل معركة بالكامل .. أبداً لم يحكى الباقي لسه ده حكى يومين اثنين بس والحرب سبعة عشر يوماً وكل وحدة من قواتكم المسلحة حاربت سبعة عشر يوماً بنفس الاداء .. بنفس التفانى بنفس التضحية .. كل ده يا أبنائى وبناتى من أجل مصر النهاردة واحنا على هذه الأرض بنعلن للعالم كله أن ذلك هو آداؤنا فى العسكرية وآداؤنا ان شاء الله فى تعمير هذه الأرض .. وجعل هذا اللون الاصفر لونا أخضر نماء وخضرة زراعة ورفاهية لكل انسان .. لكل واحد فيكم ولكل بنت من بناتى .. ولكل عائلة مصرية ولابنائها ولاحفادها

أنا يا أولادى دائماً فخور بالقوات المسلحة .. فخور بيكم وعاوزكم تأدوا نفس الاداء .. وسيبوا أفكار بعض الافنديات اللى عايشين فى المدن وتعالوا هنا دى أرضكم أملكوها ازرعوها من أجل مصر من أجل عزة مصر .. واجبكم يا أولادى .. بنبذل

علشان نخليه بقدر الإمكان ناجح .. بنبذل كل ما نستطيع ولكن أنتم تبدلوا أيضاً من بعدنا وتسلموها للأجيال الجاية وهكذا فقط تظل مصر ترتفع الى السماء .. الآن يقدم لنا القائد اللي شرح المعركة مساعديه اللي عملوا معه هذه المعركة في هذا المكان

www.anwarsadat.org